

TOKA KA HO NKA BOIKARABELO

Mokgwa wa ho lokisa



the doj & cd

Department:
Justice and Constitutional Development
REPUBLIC OF SOUTH AFRICA



Bukana ena e na le tlhahisoleseding ka selekela sa Toka ka ho nka Boikarabelo. Bukana ena e ka sebediswa ke bohle bakeng sa ho utlwisisa ka Toka ka ho nka Boikarabelo, melemo le motheo wa yona, mekgahlelo tshebedisong ya teng le boleng ba teng tsamaisong ya toka.

LENANE LA DIKAHARE

1. TLHEKELO 5
2. SELELEKELA SA TOKA KA HO NKA BOIKARABELO 5
3. TOKA KA HO NKA BOIKARABELO KE ENG? 6
4. PHAPANG PAKENG TSA TSELA TSA TSHEBETSO
TSE TLWAELEHILENG TSA TOKA LE TOKA KA HO NKA
BOIKARABELO KE EFE? 6
5. KE EFE MELEMO LE METHEO YA TOKA KA HO NKA
BOIKARABELO? 6
6. TOKA KA HO NKA BOIKARABELO E SEBEDISWA NENG? 10
7. KE MAEMO A FE A TSHWANETSENG TSHEBEDISO YA
TOKA KA HO NKA BOIKARABELO? 10
8. EKABA HO BA LE SEABO MANANENG/
DIPOROKGORAMONG TSA TOKA KA HO NKA
BOIKARABELO HO NETEFALE TSA MOSENYI HO
LOKOLLWA PELE HO NAKO HO YA KA PAROLA? 11
9. MEHLALA YA MANANE LE TSELA TSA TSHEBETSO TSA
TOKA KA HO NKA BOIKARABELO 11
 - 9.1. Bonamodi ba Mahlatsipa le Basenyi
 - 9.2. Kopanyo ya Sehlopha sa Lelapa le Lehlatsipa le Mosenyi
 - 9.3. Sedikadikwe sa Dipuisano, Kgotso le Kahlolo
10. E KABA TSELA YA TSHEBETSO YA KHOMISHENE YA
NNETE LE POELANO KE MOHLALA WA TOKA KA HO
NKA BOIKARABELO? 12
11. PHAPANG KE EFE PAKENG TSA HO QHALWA HA
NYEWE LE TOKA KA BOIKABELO? 12

| | | |
|-----|---|----|
| 12. | MELEMO YA MOKGWA WA TOKA KA HO NKA BOIKABELO KE EFE? | 13 |
| | 12.1 Phediso ya pheto-pheto ya tlolo tsa molao | |
| | 12.2 Matlafatso ya mahlatsipa | |
| | 12.3 Ho tswela molemo ditheo tsa toka | |
| | 12.4 Ntlafatso ya ho ba le seabo hwa baahi tharollong ya diqwaketsano | |
| 13. | IKOPANYE LE DOJ & CD | 14 |
| | 13.1 Ofisi ya Naha | |
| | 13.2 Ofisi ya Lebatowa | |

1. TLHEKELO

Aforika Borwa jwalo ka dinaha tse ding lefatsheng e santse e sebedisa tsela ya toka ya ho ipheteletsa. Tsela ya tshebetso ya ho ahlola e santse e le yona e sebediswang haholo makgotleng arona moo moqusuwa ebang yena ya botsoloswang mme ho sa kgathallwe mahlatsipa a bosenyi.

Demokrasi e tlile ka Khomishene ya Nnete le Poelano ho sebetsana le ditlolo tsa molao tsa nako e fitileng ka tsela e kgothalletsang bonkakarolo le ho boellana. Tseo di tlisitse tshebediso ya Toka ka ho nka Boikarabelo, eo e sa tlwaelehang tshebetso ya Molao wa Maroma empa e sa le e le karolo ya tshebetso ya tsa molao sethong sa maAfrika.

2. SELELEKELA SA TOKA KA HO NKA BOIKARABELO

Tekong ya ho tobana le diphepetso tse tobaneng le ditshebeletso tsa tsamaiso ya toka le ho ntlafatsa tsamaiso ya toka, Sehlopha sa Thibello ya Bosenyi le Polokeho se nkile tshebediso ya Toka ka ho nka Boikarabelo bakeng sa mabaka a mmalwa a fapaneng a kenyeletsang ntlha ya hore Toka ka ho nka Boikarabelo e tsamaiswa ho ya ka tlwaelo tsa setho le tsela tsa setho tsa ho shebana le bosenyi, mme le hore e shebana le mekgwa e ka hare le e ka thoko ho tsela tsa tshebetso tsa bosenyi, ho kenyeletswa le "ditsela tsa toka le taelo tse eseng tsa mmuso".

Ho na le ho tshwana pakeng tsa Toka ka ho nka Boikarabelo le tsela tsa toka tse sebediswang ke maAfrika ka makgotla a baahi le makgotla a tlwaelehileng tseo di seng di sebediswa dibakeng tsa ditoropo ka diforamo tse tshwanang le dikomiti tsa baahi le makgotla a batho. Mme ha ho le jwalo, molao o hatella hlomphe ya seriti sa batho le manane a jwaloka phetolo ya tsela tsa tshebetso, di bile le molemo ho tla ka maano a molao tshebetso ya toka.

Tsela ya jwale ya kgalemo jk. tsela ya ho ahlola batho ba entseng ditlolo tsa molao e bonahala e ena le katleho e nyenyane, mme ke ka lebaka le o ho hlokalalang tsela e fapaneng.

3. TOKA KA HO NKA BOIKARABELO KE ENG?

Toka ka ho nka Boikarabelo ke mokgwa wa toka o ikemiseditseng ho kenyeletsa batho ba nang le qwaketsano le ba bang ba angwang ke bosenyi (mahlatsipa, basenyi, malapa a amehang le ditho tsa setjhaba) hore ba kopane ho qollana le bosenyi, ditlhoko le mesebetsi ka ho nka maikarabelo, ho tlisa phedisano le ho fumana mehato ya ho thibela ho ipheta-pheta ha diketsehalo le ho kgothalletsa poellano.

Toka ka ho nka Boikarabelo e nka bosenyi e le ketsahalo kgahlanong le lehlatsipa mme e shebana le ho lokisa tshenyo e entsweng kgahlano le lehlatsipa le setjhaba. E dumela hore basenyi le bona ba hloka thuso mme e leka ho qolla se hlokang ho fetolwa ho thibela hore ba phethe ba senye nakong e tlang.

4. PHAPANG PAKENG TSA TSELA TSA TSHEBETSO TSE TLWAELEHILENG TSA TOKA LE TOKA KA HO NKA BOIKARABELO KE EFE?

- Ka tselala tsa toka tse tlwaelehileng, lehlatsipa le mosenyi bankwa e le dira mme ho lebelletswe hore ba se nke karolo nakong eo ho nkwang diqeto tsa bohlokwa ke ditsibi (baahlodi, maqwetha, basebeletsu ba setjhaba, ofisiri tsa tlhabollo j.j.).
- Ho Toka ka ho nka Boikarabelo, lehlatsipa le mosenyi ba eba le seabo tshebetsong/mananeong mme diqeto tsa bohlokwa tse fihlellwang di susumeditswe ke bona.

5. KE EFE MELEMO LE METHEO YA TOKA KA HO NKA BOIKARABELO?

1. Ditsela tsa Tshebetso tsa Toka ka ho nka Boikarabelo di tlameha ho itshetleha ka molao, ditokelo tsa batho le tsa botho le ditokelo tseo Molaotheo wa Aforika Borwa o fanang ka tsona.
2. Toka ka ho nka Boikarabelo e tlameha ho netefatsa polokeho ya seriti sa mahlatsipa le basenyi, mme e netefatse hore ha ho kगतello kapa kgethollo.

3. Batho bohle ba amehang ba tlameha ho fumantshwa dintlha tsohle tse amanang le tsela ya tshebetso, ditokelo tsa bona nakong ya tshebetso le sepheto se lebelletsweng phethelong ya tshebetso.
4. Ditsela tsa tshebediso ya Toka ka nka Boikarabelo ditlameha ho kenyeletsa boitukisetso bo lekaneng ka ba nka karolo tshebetsong le mananeong, ho kenyeletswa le baemedi ba molao.
5. Batho bohle ba amehang ba tlameha ho utlwisisa hore ba ka ikgula ditsamaisong nako efe kapa efe.
6. Batho bohle ba amehang ba tlameha ho fumantshwa nako e lekaneng ho etsa kgetho tsa bona, nakong eo ho sebediswang Toka ka ho nka Boikarabelo.
7. Qeto ya ho sebedisa Toka ka ho nka Boikarabelo e ka etswa nako efe kapa efe tsamaisong ya tsa toka, ho hatellwa phitisetso pele nyewe e qala, dintlha tsa boitlaleho le tumellano tsa kahlolo, tshebetso ya pele ho kahlolo, ele karolo ya kahlolo, hapa ele karolo ya ho kgutlisetswa ho phela le setjhaba, ho kenyeletswa le parola.
8. Bohle ba tlameha ho ithaopa ho ba le seabo tshebedisong ya Toka ka ho nka Boikarabelo, ho kenyeletswa le lehlatsipa.
9. Batho bohle ba amehang ha ba tlameha ho qobellwa ka tumellano e itseng.
10. Tshebetso tsa Toka ka ho nka Boikarabelo di tlameha ho fumantsha batho bohle menyetla e lekanang bakeng sa ho nka karolo.
11. Tshebetso tsa Toka ka ho nka Boikarabelo di tlameha ho hloka leeme.
12. Ka kakaretso, tsamaiso ya Toka ka ho nka Boikarabelo etlameha ho ba lekunutu. Bohle ba amehang ba ka nka qeto ka ho tseba le ka ho buisana hore ba batla ho sebetsa ka lekunutu.

13. Ho tlamehwa ho dumella mahlatsipa le basenyi ho tla le batho ba tlo ba tshehetsa hafela ba sa tlo hatella ditokelo le polokeho ya babang.
14. Mahlatsipa le basenyi batlameha ho dumellwa ho fumana keletso ya tsa molao nako efe kapa efe nakong ya tsamaiso.
15. Bana ba tla ba le seabo ha tumello e fumanwe le boteng ba batswadi/ bahlokamedi, kapa boteng ba motho e moholo ya fuweng boikarabello le matla a molao ho tshireletsa ditokelo le melemo ya ngwana.
16. Ha ho sebetswa le bana, ho tlameha ho netefatswa hore ba utlwisisa tsela tseo ho sebetswang ka tsona le hore ba kgona ho ba le seabo ka tsela enang le molemo.
17. Tsamaiso ya Toka ka ho nka Boikarabelo e tlameha ho kgothalletsa tshwarelo le phedisano.
18. Dipehelo tsa ditumellano tsa Toka ka ho nka Boikarabelo ha di ya tlameha ho se lekane le tsheny e entsweng.
19. Manane a Toka ka ho nka Boikarabelo a tlameha ho ikemisetsa ho qoba tlolo tsa molao tsa nako e tlang.
20. Manane a Toka ka ho nka Boikarabelo a tlameha ho rarabolla tsheny, ditlhoko le tshebetso.
21. Manane a Toka ka ho nka Boikarabelo a tlameha ho fana ka sebaka sa ho bontsha tshwabo, phoqohalo, ho kopa tshwarelo, ho tshwarela, mohau le ho utlwellla, empa tsena tsohle ha di a tlameha ho qobellwa hore di etsahale.
22. Manane a Toka ka ho nka Boikarabelo a hloka ho netefatsa hore basenyi, ka moo ho kgonahalang, ba kgona ho phetahatsa dipehelo ho ya ka ketso tsa bona.
23. Manane a Toka ka ho nka Boikarabelo a tlameha, ka moo ho kgonahalang, a tsamaelane le setho sa banang le seabo.

24. Batho ba o eleng boikarabelo ba bona ho tsamaisa Toka ka ho nka Boikarabelo ba tlameha ho fumantshwa kwetliso e tshwanetseng le ho ba le boitsebelo.
25. Manane a Toka ka ho nka Boikarabelo a tlameha ho fumantsha toloko e kwetlisitsweng moo ho hlokahalang.
26. Manane a Toka ka ho nka Boikarabelo a tlameha ho rerwa ka ho boisana le mahlatsipa le basenyi.
27. Manane le diphihlello tsa Toka ka ho nka Boikarabelo di tlameha ho kanyeletsa ditlhoko tsa poloheho ya setjhaba.
28. Manane a Toka ka ho nka Boikarabelo a tlameha ho ba le merero e hlakileng e tsebahaditsweng.
29. Manane a Toka ka ho nka Boikarabelo a tlameha ho fana ka ditsela tseo katleho ya o na e tlo hlahlojwang ka tsona.
30. Manane a Toka ka ho nka Boikarabelo a tlameha ho diswa (ka tsamaiso ya ba kahare) le ho hlahlojwa (ka diphuputso tse ikemetseng) ho kgothalletsa ntlafatso e tswelang.
31. Mekgwa ya tshebetso ya Toka ka ho nka Boikarabelo e tlameha ho ba le tsela tse phatlaladitsweng le tse tsebahalang.
32. Manane a Toka ka ho nka Boikarabelo a tlameha ho nka mehato ho netefatsa poloheho ya banka karolo.
33. Mekgwa ya tshebetso le manane a Toka ka ho nka Boikarabelo a tlameha ho theha le ho boloka motjha o sebetsang wa ho tletleba.
34. Mekgwa ya tshebetso ya Toka ka ho nka Boikarabelo e tlameha ho ba le metjha e ngotsweng bakeng sa tsamaiso ya ditlolo tse ding tsa moloa.

6. TOKA KA HO NKA BOIKARABELO E KA SEBEDISWA NENG?

Toka ka ho nka Boikarabelo e ka sebediswa ka nakong e latelang tsamaisong ya toka:

- **Pele qoso e tlalehwa:** diqwaketsano tse ka mpefalang ho ba ditlolo tsa molao di ka sebediswa ho ya ka mekgwa le ditsela tsa tshebetso tsa Toka ka ho nka Boikarabelo. Ho na ho ka kenyeletsa tshehetso ya lehlatsipa pele ho qoso e tlalehwa.
- **Pelo ho nyewe:** mekgwa le ditsela tsa tshebetso tsa Toka ka ho nka Boikarabelo di ka sebediswa kamora hore qoso e tlalehwe le pele ha letsatsi la nyewe. Motjhotjhisi a ka nka qeto ya ho fitisetša nyewe hore e sebedswe ho ya ka Toka ka ho nka Boikarabelo mme a dumellane le ditumellano tse fihletsweng; mohlala, hore qoso e se tsamaiswe ho ya ka tsela tse tlwaelehileng tsa lekgotla. Ha ebe ho se na tumellano e fihlelletsweng, nyewe e tla kgutlisetswa kgotla hape.
- **Pele ho kahlolo:** mekgwa le ditsela tsa tshebetso tsa Toka ka ho nka Boikarabelo di ka kenywa tshebetsong e le karolo ya tsamaiso ya kahlolo. Se na se ka ama kahlolo e fihlellwang, mme ho nehelanwa ka diphihlollo tse fapaneng ele mabaka a kgutlisetso morao kapa ho behella kahlolo ka thoko.
- **Kamora kahlolo:** mekgwa le ditsela tsa tshebetso tsa Toka ka ho nka Boikarabelo di ka kenywa tshebetsong kamora kahlolo kapa jwalo ka porokgoramo ya tlhabollo, ho kgutlisetswa setjhabeng kapa porokgoramo ya pele ha ho lokollwa.

7. KE MAEMO A FE A TSHWANETSENG TSHEBEDISO YA TOKA KA HO NKA BOIKARABELO?

Toka ka ho nka Boikarabelo e sebediswa hangata bakeng sa ditlolo tsa molao tse seng mpe le tse nyane. Ho bohlokwa ho elellwa hore Toka ka ho nka Boikarabelo e ka sebediswa hape le dinyeweng tse soro le tsa ho se tshepahale. Seleng bohlokwa ke nako eo tshebediso ya Toka ka ho nka Boikarabelo e kenyeletsa tshebetsong.

Nyewe ka nngwe e tlameha ho hlalohjwa ka hloko mme qeto e tshwanetseng

e tla etswa hore ho sebediswe manane le ditsela tsa Toka ka ho nka Boikarabelo pele ho tlahleha qoso, pele nyewe e qala, nakong eo nyewe e sentseng e tswela pele empa ele pele ho kahlolo kapa kamora kahlolo. Ba nka karolo ba tla tlameha ho nka qeto ka mefuta ya manane le ditsela tsa Toka ka ho nka Boikarabelo tse tlamehang ho sebediswa. Ditlolo tsa molao tse nyane di tla fitiswa kante ho nyewe empa ho ditlolo tsa molao tse soro, ho tla sebediswa Toka ka ho nka Boikarabelo pele kapa kamora kahlolo.

8. EKABA HO BA LE SEABO MANANENG/DIPOROKGORAMONG TSA TOKA KA HO NKA BOIKARABELO HO NETEFALE TSA MOSENYI HO LOKOLLWA PELE HO NAKO HO YA KA PAROLA?

Le ha ho ba le seabo mananeng le tseleng tsa tshebetso tsa Toka ka ho nka Boikarabelo ho ka shejwa nakong eo ho buang ka parola ya mosenyi, se na ha se so na fela se tla shejwa ke ba sebetsanang le parola. Lekgotla la Parola le tataiswa ke di qeto tse ding tsa molao tse tsamayelang le tsa parola. Ho ba le seabo mananeng le tseleng tsa tshebetso tsa Toka ka ho nka Boikarabelo ke enngwe ya dintlha tse mmalwa tseo Lekgotla la Parola le shebanang le tsona mme nyewe ka nngwe e shejwa ho ya ka dintlha tsa yona.

9. MEHLALA YA MANANE LE TSELA TSA TSHEBETSO TSA TOKA KA HO NKA BOIKARABELO

9.1 Bonamodi ba Mahlatsipa le Basenyi (BMB)

Lehlatsipa le mosenyi ba ka fumantshwa monyetla wa ho kopana sebakeng se bolokehileng bakeng sa ho boisana ka tlolo ya molao e etsahelletseng lehlatsipa ka thuso ya monamodi ya kwetlisitsweng. Lehlatsipa le nka karolo ka ho ithaopa ho tloha qalong ho fihlela pheletsong ya BMB. Monamodi o tsamaisa dipuisano tse kgothalletsang mosenyi ho tseba ka kamoo diketso tsa hae di ammeng batho ka teng le hore a nke boikarabelo ba ketso tsa hae. Mokgwa o na o nehela lehlatsipa le mosenyi ka monyetla wa ho tla ka leano la ho lokisa tshenyo e entsweng.

9.2 Kopanyo ya Sehlopha sa Lelapa le Lehlatsipa le Mosenyi

Mokgwa o na o kopanya lehlatsipa, mosenyi le lelapa, metswalle le batshehetsi ba mahlakore ka bobedi ho tla ka tharabollo ya bothata bo

hlahlileng. Se na se nehela lehlatsipa ka monyetla wa ho tobana le tlolo ya molao e moetsahelletseng le ho hlakisetša mosenyi ka tshenyo eo a e entseng le hore a nke boikarabelo ba ketso tsa hae. Batshehetsi ba mosenyi ba ba le seabo ho lokiseng le ho tataisa boitshwaro ba mosenyi ba nako e tlang. Lereo le na la Kopanyo ya Sehlopha sa Malapa le sebediswa haholo bakeng sa phoso tse entsweng ke bana.

9.3 Sedikadikwe sa Dipuisano, Kgotsa le Kahlolo

Tshebediso ya Toka ka ho nka Boikarabelo e etseditswe ho kgothalletsa ho utlwana pakeng tsa ba nka karolo ho kenyeletswa mahlatsipa, batshehetsi ba mahlatsipa, ditho tsa setjhaba, basenyi, batshehetsi ba basenyi, ofisiri tsa toka, batjhotjhisi, ba buwelli, mapolesa le basebetsi makgotleng ho fihlella phihlelo tse rarabolang dipotso tsa bohle ba amehang. Manane a na a kgothalletsa ho fola bakeng sa bohle ba amehag, e fa mosenyi monyetla wa ho lokisa moo a sentseng. E boela e fa mahlatsipa, basenyi, ditho tsa malapa le hore lentswe la baahi le utlwahale le maikarabelo a kopanetsweng ho fumana tharollo tse nang le molemo, ho lokisa motheo wa bothata ba botlokotsebe le ho aha setjhaba se kgathallanang le se arolelanang melemo.

10. EBE TSELA TSA TSHEBETSO TSA KHOMISHENE YA NNETE LE POELANO KE MOHLALA WA TSHEBETSO YA TOKA KA HO NKA BOIKARABELO?

Tshebediso ya Nnete le Poelano e qadilweng ka 1994 ke tsela ya Toka ka ho nka Boikarabelo hobane e likile ho kgothalletsa basenyi ho nka maikarabelo, ho dumela bohloko bo utlwiweng ke mahlatsipa, ditho tsa malapa le baahi ka maikemisetso a ho oka le ho boloka kgotsa ho bohle ba amehang.

11. BAPHANG KE EFE PAKENG TSA HO QHALA NYEWE LE TOKA KA HO NKA BOIKARABELO?

Toka ka ho nka Boikarabelo ke tsela e fapaneng le ya ho qhala nyewe. Ho qhala nyewe ho kenyeletsa ho tlosa rekoto ya bosenyi lenaneng la direkoto tsa basenyi. Tsamaiso le tsela tsa tsamaiso ya ho qhalwa ha nyewe difapane le tsela tsa Toka ka ho nka Boikarabelo. Ka hare ho Lefapha Toka le Ntshetsopele ya Molaotheo ho e na le ofisi e ikemetseng e sebetsanang le ho hlakolwa ha direkoto tsa basenyi.

12. MELEMO YA TSHEBEDISO YA TOKA KA HO NKA BOIKARABELO KE EFE?

- **Phediso ya pheto-pheto ya tlolo tsa molao**

Diphuputso di supa ha ditlokotsebe tse kgalemetsweng ka ho sebedisa Toka ka ho nka Boikarabelo di se na ho phetha di tlola molao hape ho ena le bao ba kgalemetsweng ka tsela tse tlwaelehileng.

- **Matlafatso ya mahlatsipa**

Ditsela tsa tshebetso tsa Toka ka ho nka Boikarabelo di ka tsamaisa phihlello ya toka bakeng sa mahlatsipa le ho ba matlafatsa. Di boloka nako le ditjeo. Di ka kgona ho fana ka menyatla ya ho lokisa, ho kgutlisetsa le ho utlwahatsa mahlatsipa.

- **Ho tswela molemo ditheo tsa toka**

E thusa ho fokotsa dinyeo tse ngata tse salletseng morao le ho fedisa ditjeo tse sa hlokalheng mmoho le tieho tsamaisong ya toka. Tshubukellano ditjhankaneng le ditjeo ho ba lefang lekgetho di ka fokotswa le tsona.

- **Ntlafatso ya ho ba le seabo hwa baahi tharolong ya diqwaketsano**

Ho kenyeletswa le ho ba le seabo ha baahi tsamaisong ya Toka ka ho nka Boikarabelo ho matlafatsa le ho tiisa demokrasi ya rona.

13. DINTLHA TSA BOHLOKWA

Iminingwana yokuthintana yakwa-DOJ &CD:

| Ofisi ya Naha | |
|--|--|
| Mme C Kok Mohala: 012 315 1259 Email: ckok@justice.gov.za | Adv J.V Mbamali Mohala: 012 315 1458 Email: VMbamali@justice.gov.za |
| Diofisi tsa Mabatowa (Batsamaisi ba Ditshebeletso tsa Molao) | |
| KwaZulu-Natal Mme P Moodley Mohala: 031 301 5303 Email: pmoodley@justice.gov.za | Mpumalanga Ntate P Mthimunye Mohala: 013 753 9333 Email: PMthimunye@justice.gov.za |
| Free State Ntate D.B Ramolibe Mohala: 051 407 1800 Email: dramolibe@justice.gov.za | Kapa Botjhabela Mme D.E Mongoato Mohala: 043 702 7108 Email: dmngoato@justice.gov.za |
| Gauteng Ntate S Ramasodi Mohala: 011 223 7681 Email: SRamasodi@justice.gov.za | Limpopo Ntate M Sebetso Mohala: 015 297 5562 Email: msebetso@justice.gov.za |
| Kapa Leboya Adv D Plaatjies Mohala: 053 839 0052 Email: dplaatjies@justice.gov.za | Kapa Bophirima Mme D Kassan Mohala: 021 462 5470 Email: DKassan@justice.gov.za |
| Leboya Bophirima Mme R Tladi Mohala: 018 389 8305 Email: rtladi@justice.gov.za | |

Department of Justice and Constitutional Development
Chief Directorate: Promotion of the Rights of Vulnerable Groups
Tel: (012) 315 1458/357 8509
Fax: (012) 315 1851
www.justice.gov.za
2011